




MEKTER NIVO IV



بِسْمِ اللّٰهِ الرَّحْمٰنِ الرَّحِیْمِ

ISLAMSKA ZAJEDNICA U BOSNI I HERCEGOVINI
ISLAMSKA ZAJEDNICA BOŠNJAKA U ŠVEDSKOJ

Sadržaj

Allahova svojstva (osobine)	1
Naše vjerske dužnosti	2
Kunut dova	3
Ibrahim, A.S.	4
Sura El-Kadr	5
Sura El-Maun	6
Musa, A.S.	7
Džuma namaz	8
Ostali namazi	9
Zikr poslije namaza	10
Važnost džemata	11
Vrijednost učenja	12
Sura El-Asr	13
Gusul i tejemum	14
Hidžra	15
Pitanja	16

Izdavač:

Islamska zajednica Bošnjaka u Švedskoj
Adresa: Åkerssjövägen 10, 461 53 Trollhättan

Tfn: 0520 49 90 64 Mobil: 076 310 24 47

E mail: kontakt@izb.se

www.izb.se

ALLAHOVA SVOJSTVA (osobine)

Prvi imanski šart glasi: **AMENTU BILLAHI**

Šta to znači?

To znači, «**Ja vjerujem u Allaha, dželle šanuhu**».

Muslimani vjeruju da je Allah samo jedan.

Allah ima 99 svojih imena u kojima se opisuju Njegova svojstva (osobine).

U Allaha, dž.š., vjerujemo na osnovu Njegovih svojstava ili osobina.

Koja su to Allahova svojstva?

1. VUDŽUD - Allah ima i postoji
2. VAHDANIJJET - Allah je jedan
3. KIDEM - Allah je oduvijek
4. BEKA - Allah je zauvijek
5. MUHALEFETUN LIL-HAVADISI - Allah nije ničemu sličan
6. AKIJAMUN BI NEFSIHI - Allah sam po sebi opstoji
7. HAJAT - Allah živi svojim životom
8. `ILM - Allah sve zna
9. SEM` - Allah sve čuje
10. BESAR - Allah sve vidi
11. IRADET - Allah sve svojom voljom čini
12. KUDRET - Allah je svemoćni
13. KELAM - Allah govori svojim govorom
14. TEKVIN - Allah sve stvara, održava i rastvara



NAŠE VJERSKE DUŽNOSTI



Naše vjerske dužnosti možemo podijeliti u tri grupe, i to:

- dužnosti prema Allahu, dž.š.,
- dužnosti prema samom sebi,
- dužnosti prema drugim ljudima.

DUŽNOSTI PREMA BOGU

- 1.) Čvrsto vjerovati, voljeti i nadasve poštovati Svemogućeg, Allaha, dž.š.;
- 2.) Redovno izvršavati sve vjerske dužnosti vezane za naše vjerovanje;
- 3.) Ostaviti sve što je Allah, dž.š., zabranio i boriti se za ono što je Allah dž.š. naredio;
- 4.) Stalno Allahu, dž.š., zahvaljivati na Njegovim blagodatima koje uživamo;
- 5.) Kajati se za eventualno učinjene grijeha (mislima, riječima i djelima) i moliti Allaha da nam ih oprost.

DUŽNOSTI PREMA SAMOM SEBI

- 1.) Čuvati svoj život i zdravlje;
- 2.) Raditi i pošteno zarađivati sredstva za život;
- 3.) Učiti i izučavati korisne nauke i sve ono što čovjeku može korisno poslužiti;
- 4.) Nastojati da živimo u okvirima primjernog islamskog vjernika.

DUŽNOSTI PREMA DRUGIMA

U ovu grupu spadaju dužnosti prema porodici, rodbini i komšijama, te dužnosti prema široj zajednici, narodu i domovini.

DUŽNOSTI DJECE PREMA RODITELJIMA

- 1.) Da ih volimo, poštujemo i pomažemo;
- 2.) Da prema njima budemo blagi, pažljivi, poslušni i zahvalni;
- 3.) Da ih njegujemo ako su bolesni, da ih izdržavamo ako su siromašni;
- 4.) Da svoje umrle roditelje s poštovanjem spominjemo i molimo Allaha, dž.š., da im grijeha oprost, te da za njih milostinju dijelimo.

DUŽNOSTI PREMA RODBINI

- 1.) Da ih poštujemo, pazimo i pomažemo;
- 2.) Da ih povremeno obilazimo i posjećujemo.

DUŽNOSTI PREMA KOMŠIJAMA

- 1.) Da ih redovno pozdravljamo i s njima se lijepo ponašamo;
- 2.) Da ih pomažemo i posjećujemo, u radosti i žalosti;
- 3.) Da ih ne vrijeđamo;
- 4.) Da čuvamo njihovu čast i imovinu.

DUŽNOSTI PREMA ISLAMSKOJ ZAJEDNICI

- 1.) Da pomažemo organizaciju i rad u svojim mogućnostima i budemo članovi svoje zajednice;
- 2.) Da čuvamo i zajedno gradimo lijep ugled zajednice u društvu;
- 3.) Da dajemo zekat, sadekatu-l-fitr i kurbanske kožice u svoju zajednicu;
- 4.) Da javno manifestiramo pripadnost islamu;
- 5.) Da svaku priliku koristimo radi odlaska u džamiju.

KUNUT DOVA



Kada klanjamo jaciju namaz, na vitrima na trećem rekjatu učimo kunut dovu.

BISMILLAHI-R-RAHMANI-R-RAHIM

**ALLAHUMME INNA NESTA'INUKÉ,
VE NESTAGFIRUKE,
VE NESTEHDIKE,**

**VE NU'MINU BIKE,
VE NETUBU ILEJKE,**

**VE NETEVEKKELU ALEJKE,
VE NUSNI ALEJKEL - HAJRE KULLEHU,**

**NEŠKURUKE VE LA NEKFURUKE,
VE NAHLE'U VE NETRUKE MEN JEFDŽURUKE.**

**ALLAHUME, IJJAKE NA'BUDU,
VE LEKE NUSALLI,
VE NESDŽUDU,**

**VE ILEJKE NES'A VE NAHFIDU,
NERDŽU RAHMETEKE VE NAHŠA AZABEKE;
INNE AZABEKE BIL-KUFFARI MULHIK**

Prevod Kunut dove:

U ime Allaha, Milostivog, Samilosnog!

Allahu!

Mi samo od Tebe pomoć tražimo, od Tebe oprosta tražimo i od Tebe uputu tražimo! Mi Tebe vjerujemo, Tebi se sa pokajanjem obraćamo, u Tebe se pouzdajemo!

Tebe hvalimo svakim dobrom, zahvaljujemo ti na Tvojim blagodatima a nismo prema Tebi nezahvalni i nevjerni!


Mi odbacujemo i ostavljamo onoga ko griješi prema Tebi (i ko neće da Ti se pokori).

Allahu! Mi samo Tebe obožavamo, Tebi namaz klanjamo i Tebi na sedždu padamo!

Tebi žurimo, za Tobom žudimo i Tebi služimo! Nadamo se Tvojoj milosti, a bojimo se Tvoje kazne!

Tvoja će kazna zaista stići nevjernike!

IBRAHIM, A.S



Uz Adema, a.s. i Nuha, a.s., Ibrahim, a.s., je treći od šest Ulu-l-azm, velikih, ili poslanika Odluke. To je poslanik kojeg je Allah u Kur'anu nazvao Halilullah - Allahov prijatelj. Ibrahimov, a.s., otac Azer je bio idolopoklonik i on je, štaviše, pravio idole koje su ljudi kupovali od njega i obožavali kao lične bogove i/ili bogove svojih porodica. Iako je Ibrahim, a.s., odrastao u jednom tako duhovno zagađenom okruženju, on je, Allahovom milošću, najvjerovatnije još u svome djetinjstvu, spoznao Gospodara svoga i prigrlio islam čitavom svojom nutrinom i vanjštinom, trajno i potpuno. On je prvi poslanik koji se javno borio protiv idola i kumira rušeći ih i unistavajući ih. On je sa svojim sinom Ismailom, po Allahovoj odredbi, graditelj Ka'be ili Bejtullaha.

"I dok su Ibrahim i Ismail temelje hrama (Ka'be) podizali, oni su molili: Gospodaru naš, primi od nas, jer ti uistinu sve čuješ i sve znaš"!
(El-Bekara 127).

Po Allahovom određenju on je prvi izvršitelj obrednih radnji hadždža, tavafa, saja na Saffi i Mervi, remja na Mini i boravka na Arefatu i Muzdelifi. On je i utemeljio ustanovu klanja kurbana i prvi poslanik i čovjek koji je prekinuo tradiciju klanja najstarijeg sina u ime lažnih božanstava i uveo ustanovu klanja kurbana životinje, u ime Jedinog i Istinitog Allaha. Prije toga, Allah ga je iskušavao sa sinom za kurbana.

Kur'an na više mjesta govori o Ibrahimovoj, a.s., vjeri:
"Oni kitabije - jevreji i hrišćani-govore: "Budite Jevreji ili Hrišćani, pa ćete biti na pravom putu." Reci.

"Ne, mi smo vjere Ibrahimove, koji je ispravno vjerovao".
(El-Bekara 135)

SURA EL-KADR

بِسْمِ اللَّهِ الرَّحْمَنِ الرَّحِيمِ
إِنَّا أَنْزَلْنَاهُ فِي لَيْلَةِ الْقَدْرِ ۝ وَمَا أَدْرَاكَ مَا لَيْلَةُ الْقَدْرِ ۝
لَيْلَةُ الْقَدْرِ خَيْرٌ مِّنْ أَلْفِ شَهْرٍ ۝ نَزَّلَ الْمَلَكُ وَالرُّوحُ فِيهَا
بِإِذْنِ رَبِّهِمْ مِّنْ كُلِّ مَرٍ ۝ سَلَامٌ هِيَ حَتَّىٰ مَطَلَعِ الْفَجْرِ ۝

BISMILLAHI-R-RAHMANI-R-RAHIM

INNA ENZELNAHU FI LEJLETI-L-KADR.
VE MA EDRAKE MA LEJLETU-L-KADR.
LEJLETU-L-KADRI HAJRUN MIN ELFI ŠEHR.
TENEZZELU-L-MELAIKETU VE-R-RUHU FIHA.
BI IZNI RABBIHIM MIN KULLI EMR.
SELAMUN HIJE HATTA MATLE'IL FEDŽR.

Prevod:

U ime Allaha, Milostivog, Samilosnog!

"Mi smo Kur'an počeli objavljivati u blagoslovljenoj noći Kadr. A da li ti znaš šta je to noć "Kadr"? Noć "Kadr" je bolja od hiljadu mjeseci. Meleki i Džibril, s dozvolom Gospodara svoga, spuštaju se u njoj zbog odluke svake. Spas je u njoj sve dok zora ne svane. "

U ovoj kur'anskoj suri se govori o posebnoj mubarek noći Lejletu-l-kadr, koju obilježavamo 27. noć Ramazana, a tražimo je u posljednjoj trećini Ramazana.

Noć kadr je prilika kakva se samo jednom u toku cijele godine pojavljuje, pa zato vjernici treba da se potrudu da se okoriste njenim blagodatima i da uberu njene plodove. U tome smislu Poslanik, s.a.v.s, kaže:

"Onome ko provede Noć kadr u ibadetu, vjerujući i nadajući se Allahovoj nagradi, Allah će mu oprostiti sve prethodne grijeh!"

Dakle, tu noć treba provesti u klanjanju dobrovoljnog (nafila) namaza, učenju Kur'ana, učenju različitih oblika zikra (tekbir, tehlil, tahmid, tesbih...).

U tom periodu učimo često dovu:

ALLAHUMME INNEKE 'AFUVVUN, TUHIBBUL-'AFVE, FA'FU ANNI!
(Allahu moj, zaista si Ti onaj koji prašta i voliš da praštaš, pa oprosti meni!)

SURA EL-MAUN



BISMILLAH-I-R-RAHMANI-R-RAHIM

**EREEJTELLEZI JUKEZZIBU BID-DIN
FE ZALIKEL-LEZI JEDU UL-JETIM
VE LA JEHUDDU ALA TAAMIL-MISKIN
FE VEJLUN LIL-MUSALLIN
ELLEZINE HUM AN SALATHIM SAHUN
ELLEZINE HUM JURAUNE
VE JEMNEUNEL-MAUN**

Prevod:

U ime Allaha, Milostivog, Samilosnog!

Znaš li ti onoga koji onaj svijet poriče?
Pa to je onaj koji grubo odbija siroču,
i koji da se nahrani siromah - ne podstiče.
A teško onima koji, kada molitvu obavljaju,
molitvu svoju kako treba ne izvršavaju, koji
se samo pretvaraju i dijeljenje pomoći sprječavaju.

MUSA, A.S.

Musa, a.s. je jedan od takozvanih "ulul-azm" ili "posebno odabranih" poslanika islama. Rođen je u vrijeme egipatskih faraona. Objavljen mu je **TEVRAT**

U Egiptu je stanovao Benu Israil (Izraelćani) kojima je vladao faraon. Narod je živio u ropstvu. Faraon je želio da ostane vladar nad narodom za uvijek. Zbog toga je donio odluku da se ubije svako muško novorođenče iz Benu Israila.

Musaovo rođenje

Jedna majka je sjedila u svom domu čekajući porođaj. Kada ga je rodila imala je čudan osjećaj prema njemu, pa je rekla: **"Ne želim da za njega sazna faraon.... kako ću ga sakriti od faraoana"?**

Baci ga u vodu!

Allah je htio da ovo novorođenče bude onaj ko će presuditi faraonu i nasilju faraonove porodice. Allah čuva to malo dijete, pa upućuje majku novorođenčeta: "stavi ga u jedan sanduk, a zatim taj sanduk baci u rijeku. Rijeka će ga odnijeti faraonu, ali se ne brini. Budi smirena. Faraon ga nikad neće ubiti."

Sanduk kod faraona

Stavila ga je u sanduk kao što joj je Allah naredio i bacila niz rijeku. Sanduk plovi prema obali i uzima ga jedna žena. To je faraonova žena!!! "...I faraonova žena reče:

"on će biti radost i meni i tebi! Ne ubijte ga, možda će nam od koristi biti, a možemo ga i posiniti. I oni ništa ne predosjetiš". (Kur'an, El-Kasas, 7-9).

Ko će ga zadojiti?

Musaova sestra koja je to sve vidjela je prišla i predložila svoju majku kao dojilju za dijete, što faraonova supruga prihvata, i uz svu pomoć i počasti daje Musaa na dojenje kod njegove majke, a da to i nije znala. Islam pozitivno govori o faraonovoj supruzi i navodi se da se zvala Asja. Nadalje se spominje da je Musa odrastao na faraonovom dvoru uz sve počasti, edukaciju i odgoj faraonove elite. Mnogo ajeta iz Allahove Knjige - Kur'ana je došlo sa vijestima o Benu Israilu, Musau i faraonu, da bi se naš ummet (zajadnica) okoristila iskustvima prijašnjih naroda.

Nakon svega kroz šta je prošao, Musa, a.s., od Allaha dobija direktna uputstva i naređenja da ode faraonu i pozove ga u vjeru u Boga, da se prestane nazivati "božanskom osobom" i da pusti Jevreje iz ropstva.

Kur'an govori o tome da je Musa, a.s., zamolio Allaha da sa njim pošalje i Haruna, njegovog brata, jer je Harun rječitiji od njega. Allah mu uslišava molbu i njih dvojica, Musa i Harun odlaze kod faraona sa poslaničkom misijom od Gospodara svjetova. Da ga pozovu u vjeru u Boga što je faraon odbijo, zbog čega je bio kažnjen!

DŽUMA NAMAZ

Džuma-namaz je muslimanska molitva petkom. Isključivo se obavlja u džematu i to umjesto podne namaza. Osoba koja klanja džumu-namaz nije obavezna klanjati podne-namaz tog dana.

Vrijeme džume-namaza

Džuma-namaz počinje u isto vrijeme kad bi počeo podne-namaz.

Kako se klanja?

Nakon što se prouči ezan... svi prisutni prvo klanjaju sunnet, koji se zanijeti:

Nevejtü en usallije lillahi te'ala salate sunnetil džumu'ati edaen mustakbilel kibleti Allahu ekber!

Ima četiri rekata, i klanja se kao podnevski sunnet.

Poslije sunneta mujezin prouči ezan, a imam (hatib) održi hutbu. Nakon hutbe klanja se farz koji se zanijeti:

Nevejtü en usallije lillahi te'ala salate fardil-džumu'ati edaen mustakbilel kibleti iktedejtü bihazel imami Allahu ekber!

Klanja se kao sabahski farz.

Nakon farza klanja se četiri rekata sun-sunneta, a zanijeti se:

Nevejtü en usallije lillahi te'ala salate sun-sunnetil- džumu'ati edaen mustakbilel kibleti Allahu ekber!

Klanja se isto kao i džumanski ili podnevski sunnet:

Zatim, klanjamo četiri rekata Ahiri zuhra, i to na isti način kao što klanjamo farz u podne-namaza, ali bez ikameta. Zanijeti se:

Nevejtü en usallije lillahi te'ala salate ahiriz- zuhri edaen mustakbilel kibleti Allahu ekber!

Na kraju se klanjaju dva rekata sunnetul-vakta. Klanja se kao sabahski sunnet, a zanijeti se: **Nevejtü en usallije lillahi te'ala salate sunnetil-vakti edaen mustakbilel kibleti Allahu ekber!**

Sjedenje: et-tehijjat, salavati, dova i selam.

Poslije namaze se prouči zikr (sa tespihom) i dova.

Za vjernike džuma-namaz ima ogroman značaj. Smatra se da se brišu grijesi počinjeni između dvije džume onome ko na iskren i ispravan način obavi džumu namaz.

OSTALI NAMAZI

Teravija, bajram, džennaza i nafile namazi

Teravih-namaz se klanja u džematu tokom mjeseca Ramazana i to između zadnjeg jacijskog sunneta i vitr (noćnog namaza). Teravih namaz je sunnet (sunneti-muekkede) a sastoji se od 20 rekata.

Teravih namaz se može klanjati na 2 načina:

1. po 2 rekata, tj da se na svaka 2 rekata predaje selam, a klanjat će se kao sabahski sunneta...
2. po 4 rekata, tj. da se na svaka 4 rekata predaje selam, a klanjat ćemo ga na isti način kao i ikindijski ili jacijski sunnet. Ovaj način je prihvaćeniji kod evropskih muslimana.

Teravih namaz ima jedan nijjet, bez obzira na koliko se rekata predaje selam.

Teravih namaz se zanijeti ovako:

**"NEVEJTU EN USALLIJE LILLAHI TEALA SALATET-TERAVIHI IŠRINE
REK`AEN, EDAEN MUSTAK-BILEL-KIBLETI IKTEDEJTU
BI HAZEL-IMAMI-ALLAHU EKBER.**

Bajram-namaz je vadžib za sljedbenike Ebu Hanifinog mezheba.

Vrijeme bajram-namaza, prema islamskim učenjacima počinje otprilike 45 minuta nakon izlaska Sunca.

Ovaj namaz ima dva rekata. Obavlja se slično kao i ostali namazi od dva rekat, kao npr. sabah namaz, ali se na prvom rekjatu prije učenja Fatihe i sure tri puta zaredom podignu ruke (kao na početnom tekbiru), i izgovori se Allahu ekber. Ovo se isto treba uraditi na drugom rekatu, ali nakon učenja Fatihe i sure, ali prije rukuua (pregibanja).

Dženaza namaz počinje se tzv. početnim tekbirom Allāhu ekber, poslije čega se uči Subhaneke (sa dodatkom **"ve dželle senauke"**), zatim se izgovori još jedan tekbir, poslije kojeg se uče salavati, Nakon salavata ponovo tekbir a poslije njega dženzetska dova. Završava se tekbirom i predavanjem selama na desnu, a zatim na lijevu stranu. Ova 4 tekbira imam izgovara naglas, a ostale džematlije u sebi.

Ostale nafile se mogu obaviti kada to vjernik i vjernica požele, od 2 pa do više stotina rakata na način kako klanjamo bilo koji sunnet od 2 ili četiri rekata, jer nafila znači dragovoljni namaz.

ZIKR POSLIJE NAMAZA

1. Ala resulina salavat!

2. Subhanallahi ve-l-hamdu lillahi ve la ilahe illellahu vallahu ekber
ve la havle ve la kuvvete illa billahi-l-'alijji-l-'azim.

E'uzu billahi mine-š-šejtani-r-radžim.

Bismillahi-r-rahmani-r-rahim

Allahu la ilahe illa huvel-hajjul-kajjum.

La te'huzuhu sinetun ve-la nevm.

Lehu ma fis-semavati ve ma fil-erd.

Men zellezi ješfeu' indehu illa bi iznih.

Ja'lemu ma bejne ejdihim ve ma halfehum.

Ve la juhitune bi šej-in min ilmihi illa bi-ma šae.

Vesia kursijjuhus-semavati vel-erd,

Ve la je-uduhu hif-zuhuma,

Ve huvel-alijjul-azim.



3. Ja rabbi ze-l-dželali subhanallah. (učí se 33 puta subhanallah)

4. Subhanallahi ve bi hamdihi el-hamdu lillah. (učí se 33 puta elhamdulillah)

5. Rabbi-l-'alemine te'ala šanuhu Allahu ekber. (učí se 33 puta Allahu ekber)

6. La ilahe illellahu vahdehu la šerike leh. Lehu-l-mulku ve lehu-l-hamdu
ve huve 'ala kulli šej'in kadir. Ve ma erselnake illa rahmeten li-l-alemin.

Zatim se prouči namaska dova:

El-hamdu lillahi rabbi-l-'alemin, ve-s-salatu ve-s-selamu 'ala sejjidina Muhammedin
ve 'ala alihi ve sahabihi edžme'in.

Allahume rabbena tekabbel minna salatena inneke ente-s-semi'u-l-alim,
ve tub 'alejna ja mevlana, ineke ente-t-tevvabu-r-rahim.

Allahume rabbena atina fi-d-dunja haseneten ve fi-l-ahireti haseneten vekina 'azabe-n-nar.

Rabbenagfir li ve li validejje ve li-l-mu'minine jevme jekumu-l-hisab.

Subhane rabbike rabbi-l-'izzeti amma jesifun ve selamun 'ale-l-murselin
ve-l-hamdu lillahi rabbi-l-'alemin. El fatiha!

VAŽNOST DŽEMATA

U arapskom jeziku riječ džemat znači: sakupiti, sabrati, sjediniti i slično. Džamija je bila i ostala najvažnija islamska institucija džemata. U nju poslije doma i radnog mjesta najčešće navraćamo.

Musliman je posjećuje barem jedanput sedmično. On tu obnavlja svoj duhovni život, snaži svoju vezu sa Gospodarom, sreće svoju braću po vjeri i obnavlja osjećaj pripadanja. Džemat za muslimane predstavlja temeljnu, osnovnu i najmanju organizacionu jedinicu. Kroz džemat muslimani ostvaruju osnovna vjerska prava, obaveze i provode različite aktivnosti.

O važnosti džemata govore mnogobrojni hadisi i ajeti, a neki od njih su:

"Stroga vam je dužnost da budete u džematu, u zajednici. Teško vama ako se razjedinite"!


"Namaz u džematu je vrjedniji od pojedinačno obavljenog namaza davedeset i sedam puta"!
(Buharija)

"Allahova ruka je sa džematom, to je milost koju Allah pruža".

Šta je džemat?

Džemat je zajedničko klananje farz-namaza koje se obavlja u džamiji, kući ili na drugom odgovarajućem mjestu.

Za klanjanje namaza zajedno u džematu, potrebno je dvije ili više osoba, a kod klanjanja džume namaza potrebno je imam i minimalno tri osobe.



Ko nam je preporučio džemat?

Džemat nam je preporučio Muhamed, a.s., jer je zajednički namaz vrjedniji od pojedinačnog za 27 puta.

Ko predvodi džemat?

Džemat predvodi imam (efendija).

Da bi normalno funkcionisao čovjek treba pripadati određenom džematu, jer je u protivnom mamac za šejtana.

VRIJEDNOST UČENJA

"Osoba koja ne čita nema nikakvu prednost nad onim koji ne zna čitati."

Važnost sticanja znanja je naglašena već u prvoj riječi objave Kur'ana – "**Čitaj!**".

Allah od nas traži da čitamo, da učimo, da istražujemo nauke, da proširujemo svoje znanje.

Drugi dio naredbe govori o tome da učenje mora biti **u ime našeg Gospodara**. Samo u tom slučaju to će znanje biti korisno i neće biti zloupotrijebljeno.

Znanje se ne stiče samo tokom školovanja, nego tokom cijelog života. Ebu Hanife, r.a., je rekao: "Onaj ko kaže da je stekao dovoljno znanja i da ne mora više da uči, taj je najveći neznalica".

Dragi Allah je rekao:

"Allah će na visoke stepene uzdignuti one među vama koji vjeruju i kojima je dato znanje."

(El-Mudžadela, 11.)

Poslanik Muhammed, a.s., je pozvao ljude da uče o svojoj vjeri ukazavši na visok stepen koji imaju učenjaci. On je rekao:

"Vrijednost učenog u odnosu na pobožnjaka je kao moja vrijednost u odnosu na najnižeg od vas."

Zamislite samo tu razliku! U drugom hadisu je rekao:

"Nema boljeg ibadeta od poznavanja vjerskih propisa. Jedan učenjak je teži šejtanu od hiljadu pobožnjaka."

SURA EL-ASR

بِسْمِ اللَّهِ الرَّحْمَنِ الرَّحِيمِ
وَالْعَصْرِ ﴿١﴾ إِنَّ الْإِنْسَانَ لَفِي خُسْرٍ ﴿٢﴾
إِلَّا الَّذِينَ ءَامَنُوا وَعَمِلُوا الصَّالِحَاتِ
وَتَوَاصَوْا بِالْحَقِّ وَتَوَاصَوْا بِالصَّبْرِ ﴿٣﴾

BISMILLAHI-R-RAHMANI-R-RAHIM

VE-L-'ASR.
INNE-L-INSANE LE-FI HUSR.
ILLE-L-LEZINE AMENU
VE 'AMILU-S-SALIHATI
VE TEVASAV BI-L-HAKKI
VE TEVASAV BI-S-SABR.

Prevod:
U ime Allaha Milostivog, Samilosnog!

Tako mi vremena -
čovjek, doista, gubi,
samo ne oni koji vjeruju i dobra djela čine,
i koji jedni drugima istinu preporučuju
i koji jedni drugima preporučuju strpljenje.

GUSUL I TEJEMMUM

Gusul (kupanje) je propisan Kur'anom i Sunnetom.

Gusul je obavezan u sljedećim slučajevima:

1. Kada je neko džunup
2. Kod prestanka hajza (mjesečni ciklus) i nifasa (40 dana poslje poroda žene)
3. Kod primanja islama
4. Nakon smrti

Uzvišeni Allah kaže: **“A ako ste džunupi, onda se okupajte!”**
(Kur'an, El-Maide, 6.)

Kada je neko džunup, tj. kada iz njega izađe sjeme, radilo se o muškarcima ili ženama u snu ili javi, te nakon spolnog odnosa ili dodira spolnih organa, bez obzira da li je došlo do polucije (izlaska sperme) ili nije.

Gusulskih šarta ima tri, a to su:

1. **Gargare – usta i grlo isprati.**
2. **Istinšak – nos isprati.**
3. **Cijelo tijelo potpuno oprati da nigdje suho ne ostane.**

Tejemmum je simbolično čišćenje radi namaza ili učenja Kur'ana. Tejemmum uzimamo u slučaju kada želimo klanjati, učiti Kur'an a nemamo vode za abdest ili gusul i kada imamo sasvim malo vode koja nam je potrebnija za piće. Tejemmum kvari sve što kvari i abdest!

Kako ćemo uzeti tejemmum?


1. Srcem zanijetimo i proučimo Euzubillu i Bismillu
2. Dotaknemo dlanovima suhu zemlju (ili predmet od zemlje) i jedanput potaremo lice
3. Ponovo dotaknemo suhu zemlju (ili predmet od zemlje) pa naizmjenično potaremo desnu i lijevu ruku do iznad lakata



HIDŽRA

Muslimani sele u Medinu

Bilo je prošlo skoro trinaest godina od prve objave. U svim tim godinama upornog Poslanikovo, a.s., pozivanja u islam, većina Mekkelija i dalje ostaju odani svojim kipovima.



I ne samo to, oni su svim silama nastojali otežati život muslimanima. Uvjeti za širenje islama u Mekki postali su nepodnošljivi. Muslimani iz Jesriba su ponudili utočište i bratsku pomoć Poslaniku, a.s., i sljedbenicima islama. Tako su muslimani iz Mekke, uz dopuštenje Božijeg poslanika, a.s., počeli potajno u manjim grupama ili pojedinačno napuštati grad. Ova seoba muslimana poznata je kao Hidžra. Hidžra se dogodila 622. godine.

Mušrici su napravili plan kako da ubiju Poslanika, a.s., Međutim Poslaniku, a.s., je stigla zapovijed od Allaha, dž.š., da se iseli iz Mekke. Spremio se i sa Ebu Bekrom neprimjetno napustio kuću. Grupa koja je dobila zadatak da ubije Muhammeda, a.s., stajala je cijelu noć u zasjedi ispred Poslanikove kuće čekajući da on krene u Jesrib. Kad god bi provirili u kuću vidjeli su da neko leži u postelji. Bili su sigurni da je to Muhammed, a.s., pa su oni i dalje čekali. Međutim bio je to Alija, koji je ostao u kući Božijeg poslanika, a.s., kako bi odvratio pažnju od Poslanika i Ebu Bekra, koji su se neprimijećeno udaljavali od Mekke. Njih dvojica su se na devama uputili prema pećini Sevr.

Poslanik, a.s., i Ebu Bekr stižu u Medinu

Nakon što su uvidjeli da su beskorisno napravili zasjedu, Kurejšije su ponudili nagradu od stotinu kamila onome ko pronađe Poslanika, a.s. Mnogi su pohlepno krenuli u potragu. Svuda su tragali za Poslanikom, a.s., znajući da u tako kratkom vremenu nije mogao daleko otići. Jedna grupa je stigla i do pećine Sevr, ali ništa nisu otkrili. Uzvišeni Allah je omogućio da u tako kratkom vremenu pauk isplete svoju mrežu, a golub svije gnijezdo na samom ulazu u pećinu. Kada su vidjeli paučinu i gnijezdo golubova na ulazu, zaključili su da tu nema nikoga, jer niko ne bi mogao ući u pećinu a da ne uništi paučinu i ne uznemiri golubove, te su se vratili u Mekku. Dok je potjera bila ispred pećine, Ebu Bekr je silno strahovao da mušrici ne otkriju Poslanika, a.s., ali ga je Poslanik, a.s., ohrabrio rekavši da je Allah, dž.š., s njima, te nema razloga za brigu.

Prilikom dolaska u Jesrib muslimani su ih dočekali s radošću i neviđenom dobrodošlicom. Od tog trenutka Jesrib je dobio novo ime - Medina.

Hidžra u povijesti islama predstavlja jedan od najvažnijih događaja. Nakon Hidžre širenje islama je postalo nezaustavljiv proces. Zbog toga je ovaj događaj uzet kao početak računanja vremena po islamskom (hidžretskom) kalendaru.

PITANJA

1. Koliko Allah ima imena, saznaj i nauči nekoliko sa prevodom!
2. Nauči koja su to Allahova svojstva!
3. Koje su tri grupe vjerskih dužnosti?
4. Koje su naše dužnosti prema Bogu?
5. Koje su dužnosti prema samom sebi?
6. Koje su naše dužnosti prema drugima i kako ih dijelimo?
7. Koje su naše dužnosti prema Islamskoj zajednici?
8. Nauči kunut dovu!
9. Ko je bio Ibrahim, a.s.?
10. Koji nadimak je Allah, dž.š., dao Ibrahimu, a.s.?
11. Kako se zvao otac Ibrahima, a.s., i šta je on pravio?
12. Šta je Ibrahim, a.s. gradio i s kim?
13. Po čemu je prepoznatljiv Ibrahim, a.s.?
14. Nauči suru El-Kadr!
15. O čemu se govori u suri El-Kadr?
16. Nauči dovu koja se uči za vrijeme 27. noći ramazana, a koja se može učiti i drugim prilikama!
17. Nauči suru El-Maun!
18. Ko je bio Musa, a.s. i šta znaš o njegovom životu?
19. Šta je džuma-namaz i kada se klanja?
20. Kako se klanja džuma-namaz?
21. Šta je teravih-namaz?
22. Kako se klanja teravih-namaz?
23. Kada i kako se klanja Bajram-namaz?
24. Kada i kako se klanja dženaza-namaz?
25. Šta je nafil-namaz?
26. Nauči zikir poslije namaza, ajetu-l-kursij i dovu poslije namaza.
27. Šta znači riječ džemat?
28. Šta je Poslanik, a.s., rekao o džematu i džamiji?
29. Šta je to džemat?
30. Koliko je vredniji namaz u džematu?
31. Ko predvodi džemat?
32. Zašto je muslimanu zadaća da stalno uči i čita?
33. Nauči suru El-Asr!
34. Šta je gusul i kada je obavezan?
35. Kako se uzima gusul?
36. Šta je tejemmum, kada se uzima i kako?
37. Šta je hidžra, kako se ona desila i zašto je važna za muslimane?



بِسْمِ اللَّهِ الرَّحْمَنِ الرَّحِيمِ

ISLAMSKA ZAJEDNICA U BOSNI I HERCEGOVINI
ISLAMSKA ZAJEDNICA BOŠNJAČA U ŠVEDSKOJ

MEKTEB NIVO IV (4)

IME I PREZIME

Džemat: _____

Punkt: _____

1.																															
2.																															
3.																															
4.																															
5.																															
6.																															
7.																															
8.																															
9.																															
10.																															
11.																															
12.																															
	Gospodaru, učvrsti nas na Tvome putu, sačuvaj nas iskušenja koja ne možemo podnijeti, učini nas od onih koji odgađaju svoju djecu u skladu sa Tvojim propisima, očisti naša srca i jezike od ružnih misli i govora, uputi našu djecu i potomke i učini ih radostima naših očiju i srca! AMIN	1.	BOŽIJA SVOJSTVA	2.	NAŠE VJERSKE DUŽNOSTI	3.	KUNUT DOVA	4.	IBRAHIM, A.S.	5.	SURA EL-MAUN	6.	SURA EL-KADR	7.	MUSA, A.S.	8.	DŽUMMA NAMAZ	9.	OSTALI NAMAZI	10.	ZIKR POSLIJE NAMAZA	11.	VAŽNOST DŽEMATA	12.	VRIJEDNOST UČENJA	13.	SURA EI-ASR	14.	GUSUL I TEJEMUM	15.	HIDŽRA

